

BOSNA I HERCEGOVINA
TUŽILAŠTVO – TUŽITELJSTVO BOSNE I HERCEGOVINE
SARAJEVO
Broj: **KT-RZ-26/05**
Trebinje, 13.03.2007. godine

T-39

**ZAPISNIK
O SASLUŠANJU SVJEDOKA**

Sastavljen dana 13.03.2007. godine u prostorijama Okružnog Tužilaštva u Trebinju, u krivičnom predmetu broj: **KT-RZ-26/05**, protiv osumnjičenog Srećka Hercega, Ivana Medića zv. „Poskok“, Zvonimira Bjeliša i Marine Grubešić.

PRISUTNI:

1. Tužilac: Jude Romano
2. Svjedok: Ilija Domazet
3. Pravni saradnik: Francesco Caruso
4. Prevodilac: Gordana Gogić
5. Pripravnik: Vanda Alibegović
6. Pripravnik: Ivana Petković
7. Zapisničar: Gospa Maunaga

Započeto u 15,27 sati

Na temelju člana 86. stav 2. ZKP-a BiH opominjem Vas da ste dužni govoriti istinu. Ne smijete ništa prešutjeti. Upozoravam Vas da je davanje lažnog iskaza krivično djelo propisano članom 235. Krivičnog zakona BiH za koje je zapriječena kazna zatvora od 6 (šest) mjeseci do 5 (pet) godina.

Na temelju člana 86. stavak 3. ZKP-a BiH svjedok o sebi daje sljedeće podatke:

Prezime i ime: **Domazet Ilija**

Ime oca: [REDACTED]

Ime majke: [REDACTED]

Djevojačko prezime majke [REDACTED]

Datum vašeg rođenja: [REDACTED]

Mjesto rođenja [REDACTED]

Šta ste po zanimanju: [REDACTED]

Jeste li zaposleni i gdje [REDACTED]

Da li ste udati-oženjeni: [REDACTED]

Čiji ste državljanin [REDACTED]

Nacionalnost [REDACTED]

Tačna adresa mjesta boravka na koju ćete primati pismena: [REDACTED]

DOMAZET ILIJA

/Potpis svjedoka/

Upozoravam Vas da ste dužni Tužilaštvo i Sud obavještavati o svakoj promjeni adrese ili promjeni boravišta.

Na temelju člana 81. stava 5, 6. i 7. ZKP-a BiH dužni ste se odazivati se na svaki poziv Tužilaštva i Suda a ukoliko niste u mogućnosti pristupiti morate o razlozima obavijestiti Sud i

Tužiteljstvo. Ukoliko ne postupite po ovom upozorenju možete biti kažnjeni novčanom kaznom do 5.000,00,-KM, a biće naređeno Vaše prinudno dovođenje.

Dužni ste da svjedočite. Ako odbijete svjedočenje Sud Vas može kazniti novčanom kaznom do 30.000,00,-KM.

Da li razumijete ovu pouku?

Da.

DOMAZET KIJA

/Potpis svjedoka/

Na temelju člana 8. ZKP-a BiH obavještavate se da su pred ovim Tužilaštvom u ravnopravnoj upotrebi službeni jezici Bosne i Hercegovine bosanski, hrvatski i srpski i oba pisma – ćirilica i latinica. Ukoliko ne razumijete službeni jezik Tužilaštva osigurat će se usmeno prevođenje Vaše izjave kao i isprava i drugog dokaznog materijala.

Da li razumijete službeni jezik Tužilaštva i na kojem pismu želite da se sačini zapisnik?

Razumijem službeni jezik Tužilaštva, želim da se zapisnik sačini na srpskom.

DOMAZET KIJA

/Potpis svjedoka/

Na temelju člana 83. ZKP-a BiH svjedok imate pravo odbiti svjedočenje samo ako ste u bračnom ili rodbinskom odnosu sa osumnjičenim.

Na temelju člana 84. ZKP-a BiH, imate pravo da ne odgovarate na pitanja ako bi Vas istinit odgovor izložio krivičnom gonjenju, ukoliko želite odgovarati i na ta pitanja možete tražiti imunitet. Imunitet Vam daje tužitelj. Ukoliko dobijete imunitet tada ste dužni svjedočiti i o tim pitanjima te nećete biti krivično gonjeni osim ako date lažnu izjavu. Imate pravo tražiti da Vam Sud odredi savjetnika ukoliko niste u stanju sami kao svjedok štititi svoja prava.

Na temelju člana 91. ZKP-a BiH možete tražiti da budete saslušani u svojstvu zaštićenog svjedoka u skladu sa Zakonom o zaštiti svjedoka pod prijetnjom i ugroženih svjedoka.

Da li razumijete ove pouke?

Razumijem pouke Tužilaštva.

DOMAZET KIJA

/Potpis svjedoka/

IZJAVA SVJEDOKA :

Tužilac: Prije ovoga pročitali ste svoju izjavu koju ste dali 31. maja 2005. godine.

Svjedok: Da.

Tužilac: Da li potvrđujete da je to vaša izjava?

Svjedok: Da.

Tužilac: I da li potvrđujete da je čitav sadržaj u toj izjavi tačan i istinit?

Svjedok: 90,9 % je istinit gdje kad je pisao ovaj čovjek je došlo do zamjene.

Tužilac: Možete li reći koje su to greške? Na kojoj stranici?

Svjedok: Na 4. strani „tu veće su pokupili sve Srbe iz moje zgrade sem Aćimović Milorada koji je star i njegove žene i Vučković Neđe, a treba da stoji Aćimović Milorad i njegova žena jer je Vučković Neđo druga porodica.

Tužilac: Je li ima još nešto?

Svjedok: To i još možda jedna sitinica mala.

Tužilac: Da li potvrđujete da ste ovu izjavu dali dobrovoljno i da vas niko nije prisilio?

Svjedok: Niko.

Tužilac: Možete li potpisati zadnju stranicu izjave od 31.05.2005. kojim će te potvrditi da je to vaša izjava i da ste je pročitali danas.

Svjedok: Mogu li ja pročitati i ovu?

Tužilac: Možete.

Svjedok: To je dotična izjava koju sam ja dao.

Tužilac: Čiji su ovo potpisi koji su na svakoj stranici?

Svjedok: Moji.

Tužilac: Mogu li još jednom da vas zamolim da potpišete zadnju stranicu sa datumom, 13. mart 2007. godine. Mogu li da vas pitam, par pitanja radi razjašnjenja. Rekli ste da ste zarobljeni 4. avgusta 1992. godine u vašem stanu u Mostaru?

Svjedok: Tačno.

Tužilac: Gdje se nalazio vaš stan u Mostaru na zapadnoj ili istočnoj strani Neretve?

Svjedok: Nalazio se u ulici [redacted] na zapadnoj strani [redacted].

Tužilac: Da li znate imena ljudi koji su vas zarobili?

Svjedok: Iskren da budem i ja ih još uvijek tražim, a samo sam došao do jednog nadimka, nadimak mu je „Hara“. Ako mogu dati jedno obrazloženje. Čovjek [redacted] dobio je nalog da uhapsi mene i kad je saznao o kome se radi vratio je nalog i rekao je „ja ovoga čovjeka neću hapsiti“. Posle njega poslali su ovog Haru policajca koji je došao sa dva momka i on treći oko 22,00 sata naveče sa automatskim puškama na gotovs, upali su u moj stan, jedan je ostao na vratima, a druga dvojica su ušla. Rekli su mi „imaš minut vremena da se spremiš i da pođeš s nama“. Taj Hara skinuo mi je sat sa ruke, drugi mi je uzeo lančić od sina, ključeve od kola, ključeve od stana i pred sobom u kombi koji je čekao pred ulazom jer su tu kupili [redacted] iz mog ulaza gdje je živjelo 25 porodica. Sabirni centar bio je u tadašnjoj vojnoj ambulanti u Mostaru u podrumu.

Tužilac: Ko je sa vama bio uhapšen?

Svjedok: Ninković Dragan sa porodicom.

Tužilac: A iz vaše porodice?

Svjedok: Sam ja.

Tužilac: Da li ste u vrijeme vašeg hapšenja bili u nekoj vojnoj organizaciji?

Svjedok: Ne.

Tužilac: Koja je bila vaša profesija?

Svjedok: Ja sam radio u „Sokolu“ upravitelj kardanskih vratila – auto industrija, bio sam rukovodilac dugo vremena, radio u tzv. operativnoj pripremi za pripremanje proizvodnje, tako da sam bio civil 100%.

Tužilac: Bili ste sami u svom stanu kada su vas uhapsili?

Svjedok: Da.

Tužilac: Šta se desilo kada su vas doveli u tu vojnu ambulantu?

Svjedok: Postrojili su nas 15 koje su nas doveli pred ulazom ambulante. Sergej Belović koji je bio u HOS-u inače, [redacted] prišao mi je i udario mi je dva šamara po zatioku.

Tužilac: Ako mogu samo da se vratim, da li su vam rekli razlog vašeg hapšenja?

Svjedok: Razlog „pa vidite šta nam vi četnici radite a ovo je Mostar ne možete vi nama ovo raditi“, to je razlog.

Tužilac: Molim vas nastavite u vezi sa ovim čovjekom koji vas je udario?

Svjedok: Posle su nas smjestili u podrum gdje nas je ukupno bilo 27.

Tužilac: I koliko drugo ste ostali u tom podrumu?

Svjedok: Posle 2 sata tadašnji upravnik Zelenika Ivan počeo nas je sve nove pridošlice prozivati i voditi na saslušanje. Kad je došao red na mene skinuo me do gole kože, pitao me za sina, pitao me za ženu i počeo me udarati gumenim, drvenim pendrekom. U jednom momentu uzeo je pištolj sa dužom cijevi između 35-45 cm. Stavio mi na čelo i kaže „treba

ovoga četnika ubiti“ Kad je on završio ja sam mu rekao „pucaj kukavico“ Kad je vidio s kim ima posla odgovorio je „ovoga četnika treba drugačije likvidirati“. Uzeo mi je 1500 DM, pozvao je svoju elitu koja je bila u mraku, svoje saradnike da me isprute kako njima dolikuje. Sa svih strana su me počeli biti da sam jedva živ uspio uletiti među ovu grupu onako go.

Tužilac: I koliko drugo ste ostali u toj vojnoj ambulanti?

Svjedok: Do sutradan do 1 sat. Sutradan u 1 sat potovarili su nas na teretno vozilo nas 13 i odvezli su nas u Dretelj.

Tužilac: I ko vas je dočekao kada ste stigli u Dretelj?

Svjedok: Dočekao nas je Karačić Ilija. Ilija je bio u Dretelju u zatvoru ekonom, vodio je evidenciju dolaska, odlaska, oko vode inače oko nas i spuda u red svijetlih likova Dretelja koji nije nikada ni prstom dohvatio što se tiče nas zatvorenika. Međutim, kad smo mi došli bili smo novi. Svi novi polažu zakletvu. Zakletva je da 4 do 5 a možda i više HOS-ovaca napadnu sa svim raspoloživim sredstvima po novopridošlicama, to je tzv. Njihova zakletva. Taj proces traje do iznemoglosti dok više ne mogu da udaraju i biju nogama, pendrecima svim mogućim sredstvima.

Tužilac: I da li ste taj put krvarili od tih batina?

Svjedok: Ja sam vam pokazao nogu, ovaj dio grudni koš ovo je bilo crno nije modro nego crno ovaj dio ruka ovo je crno bilo.

Tužilac: Svjedok je podigao nogavicu i pokazao lijevu nogu na kojem je bilo nekoliko nateklina, a sada svjedok želi da pokaže kako je došlo do tih nateklina i sjeo je na pod da to pokaže.

Svjedo Vi sjedite ovako, nailazi suprotna strana, udara ovdje, udara ovdje, ovo mi je sve bilo crno, k: ovaj dio sav crn, nije modar nego crn. Iza mene sjedio je čovjek na koga su kivni bili Rudan Dragan, a mi smo bili raspoređeni kao u red, a drugi red bio sam ja napočetak, jedan meta samo prolaza, kad bi bili Dragana onda su bili mene sa leđa, a nisam smio ni trepnut očima.

Tužilac: Da li bi ste nam dozvolili da uradimo fotografiju vaše noge jer bojim se da nisam uspio to objasniti kako treba za zapisnik.

Svjedok: Slikajte ovo, bio sam crn imao sam crnu kosu. Doživio sam šok i pobijelio sam za 48 sati, crnu kosu kao vi.

Tužilac: U Dretelju za 48 sati?

Svjedok: Da.

Tužilac: To je bilo zbog šoka?

Svjedok: Da posljedica šoka.

Tužilac: Da li bi ste nam dozvolili da uslikamo samo nogu?

Svjedok: Da.

Tužilac: Gospodin Francesco Caruso je uslikao nogu. I koliko dugo su trajale te batine tu prvu noć?

Svjedok: Do 11 – 12 sati otprilike tako. Tu je jedan problem što po noći kad bi se zatvorio hangar dežurni policajci koji su bili oko hangara su upadali u hangar ili su izvodili pojedince iz hangara i prelaćivali ih do iznemoglosti. Ako bi ušli unutra onda je kasapnica od nas napravljena.

Tužilac: Nakon što su vam povrijedili nogu na taj način da li vas je doktor pregledao?

Svjedok: Mi nismo smjeli ići doktoru.

Tužilac: A da li je doktor pregledao povredu na nozi kada su vas pustili?

Svjedok: Da, pregledali su me nakon što su me pustili.

Tužilac: A kada je doktor pregledao povredu na vašoj nozi?

Svjedok: Kada sam izašao iz zatvora, tek.

Tužilac: I šta je doktor rekao, šta je po njemu uzrok te povrede?

Svjedok: Dobio sam obrazloženje da je od velikih udaraca.

Tužilac: Nakon što su vas pretukli po vašem dolasku vas su prebacili u hangar?

Svjedok: Da.

Tužilac: I koliko ste ostali u Dretelju?

Svjedok: 15 dana.

Tužilac: Da li ste u tih 15 dana saznali ko je upravnik tog logora?

Svjedok: Da.

Tužilac: I ko je upravnik?

Svjedok: Kraljević Srećko. Saznao sam da imaju dva Kraljević Srećka, stariji Kraljević Srećko koji živi u Pločama a obadva potiču iz Prijekog grma. Radi se o mlađoj osobi.

Tužilac: Upravnik je mlada osoba.

Svjedok: Da.

Tužilac: Možete li ga opisati?

Svjedok: Mršav, tankovijast, malo poguren u leđima.

Tužilac: Koliko star?

Svjedok: Prije petnaest godina imao je 25, 26, 27, maksimum 28.

Tužilac: Koje mu je boje bila kosa i oči?

Svjedok: Kosa je crna a oči ne znam. Srećko upravnik nije nas nikada bio tu, egzikator nije bio, to što se tiče njega kao njega.

Tužilac: A kada su vas doveli u hangar da li su tamo bili već zarobljenici?

Svjedok: Da.

Tužilac: Koliko ste tamo ljudi zatekli?

Svjedok: Ukupno nas je bilo negdje oko 150.

Tužilac: Je li znate koje su nacionalnosti bili ti ljudi njih 150?

Svjedok: Sve Srbi.

Tužilac: Dok ste bili zatvoreni u hangaru da li su vam davali hranu?

Svjedok: Da.

Tužilac: Koliko puta na dan?

Svjedok: Jednu čašu od jogurta od prilike ili svaki drugi dan.

Tužilac: I od čega se sastojao obrok?

Svjedok: Supa.

Tužilac: Da li su vam davali hljeb?

Svjedok: Mrvicu. Nismo se prali, nismo se brijali, svi smo imali brade, mokrenje malu nuždu vršili u istoj prostoriji u konzerve, često puta prebijani kad bi pošli to da obavimo.

Tužilac: Gdje ste vršili veliku nuždu?

Svjedok: Van hangara.

Tužilac: I da li vam je to bilo dozvoljeno?

Svjedok: To je strogo ograničeno na sekunde, minute.

Tužilac: Osim batina koje ste dobili na dan svog dolaska da li su vas i poslije tukli?

Svjedok: Svih narednih 15 dana.

Tužilac: I da li se sjećate kako se zvala osoba ili vojnik koji vas je najviše tukao?

Svjedok: Problem Dretelja što su se odvijala ratna dejstva u okolini Mostara, HOS-ovci su vršili akcije po noći jer su bili paravojna formacija, kad bi se vraćali sa akcije ukoliko bi imali gubitaka svako jutro, svaki dan su dolazili kod nas i na nama se iskaljivali. Problem je što su vazda bili 4 do 5 ili 6 i tako su upadali među nas i bili nas do iznemoglosti, tako da ja uprijet prstom čvrsto ne mogu ni na koga i to se stalno ponavljalo. Slobodni vojnici koji su se šetali po krugu, dežurni koji je bio od policajaca pozivao je da uđu u hangar da ne bi slučajno koga poznao svog poznatog. Kad bi ta grupa vojnika ušla ako su iz Stoca pitali su „nek se dignu stočani“, ako su iz Mostara „nek se dignu mostarci“, ako su iz Čapljine „nek se dignu čapljinci“ iz svih tih mjesta ima poznata srpska prezimena. Reći ću primjer ako je iz Mostara, tamo su bili aktuelni Škore, Sudari, Peaci i druga poznata srpska prezimena. Onda bi nastajao pakao.

Tužilac: Dok ste bili u Dretelju da li ste čuli da je neki zarobljenik ubijen?

Svjedok: Da.

Tužilac: Možete li nam reći ko i opisati nam taj incident?

Svjedok: Marković Nenad.

Tužilac: I kako je on ubijen?

Svjedok: Napravili su igru. Tačno su znali gdje sjedi na kom mjestu jer su od vrata brojali. Ne sjećam se tačno brojeva, mislim da je bilo 24, 64 i ne znam koji je treći broj bio, na tom jednom broju je bio Nenad, na drugom mjestu je bio Rudan Dragan i na trećem Ratko iz Nevesinja, odveli su ih između nas i rekli su da će ih strijeljati. Posle dva dana čuli smo, svi smo znali da je Nenad podlegao.

Tužilac: Da li ste vi to vidjeli?

Svjedok: Odvojeni su bili od nas u tunelu.

Tužilac: Da li ste vidjeli da tuku zarobljenike kraj prozora?

Svjedok: Svaku več.

Tužilac: Možete li kratko opisati taj događaj?

Svjedok: Dežurni, ustvari obezbjeđenje, je prozivao na prozor od hangara, mali prozor, da se pojavi tenkista, da se pojavi SDS, ili druga imena kojima su nas nazvali, onda ga je šćepavao s vana i tukao ga dokle je mogao.

Tužilac: Da li su i vas tukli na taj način?

Svjedok: Nisu.

Tužilac: Da li ste čuli imena nekih vojnika ili čuvara dok ste bili u Dretelju?

Svjedok: Tzv. Šiptar, Makita zv. „Maks“.

Tužilac: Kako se zvao Makita?

Svjedok: Ahmet. Vinko mislim da se preziva Primorac ne znam mu tačno prezime na lijevoj ruci je imao izgravirano ime „Velež“, imao je jedno oko frljavo.

Tužilac: Spomenuli su Ahmeta Makitana, da li ste vidjeli da on tuče druge zarobljenike?

Svjedok: Ja vrlo malo sam lično vidio da Makita tuče zarobljenike samo su ovi što su bili samnom pričali o tome.

Tužilac: Da li vam je poznata osoba po imenu Srećko Herceg?

Svjedok: Ja se malo sjećam.

Tužilac: Da li ste njega vidjeli u Dretelju?

Svjedok: Svega jednom ili dvaput sam došao u kontakt sa njim.

Tužilac: Možete li nam kratko opisati kakav je to bio kontakt?

Svjedok: Čuo sam da je bio jako opasan od drugih zatvorenika.

Tužilac: Da li ste ga vidjeli da maltretira druge zatvornike?

Svjedok: Ne. On je bio u pratnji Kraljevića kad sam ja bio tako da nije bio u to vrijeme u hangaru kada sam ja bio.

Tužilac: A Ivan Medić zv. „Poskok“ da li njega znate?

Svjedok: Ne.

Tužilac: A Zvonimira Bjeliša?

Svjedok: To su ovi što su bili prije mene.

Tužilac: A Marina Grubešić da li znate nju?

Svjedok: Znam Zerinu Šutu.

Tužilac: A Marinu?

Svjedok: Jakiša Marinu. Šuta Zerina.

Tužilac: Da li ste vidjeli tu Zerinu Šuta u Dretelju?

Svjedok: Crna, malena. Da vam objasnim. Zapali cigaretu i da vam objasnim kako se ovo guta.

Tužilac: Svjedok je zapalio cigaretu da bi pokazao kako su mu naredili da proguta zapaljenu cigaretu. Znači sagorio bi vam jezik?

Svjedok: Da.

Tužilac: Ko vam je to naredio?

Svjedok: Šuta Zerina sa svojom pratnjom. Kad sam progutao onda su mi dali malo vode da popijem.

Tužilac: Koliko puta su vam rekli da to uradite?

Svjedok: Jednom.

Tužilac: Svjedok pokazuje da su mu gasili cigaretu na zglob i na lice.

Svjedok: Svaki sekund su to radili. Opisaoću detalj u spavaćoj sobi i opisaoću pasenje trave.

Tužilac: Ko vam je rekao da pasete travu?

Svjedok: Dežurni policajac izveo nas je na livadu, bilo nas je oko 30-ak, naredio nam je da pasemo travu, trava je bila čuvana pirevina koja je oštra. Izvodili su nas od 11 do 3 kad je vani temperatura od 40 pa i preko 50 stepeni. Ruke i ovaj dio oko obraza mi je bio sav isječen. Nismo se imali kome požaliti.

Tužilac: Da li ste čuli da je neko od zarobljenika morao da pije iz posude koja je korištena umjesto WC-a?

Svjedok: Nije imao mogućnosti to.

Tužilac: Kako mislite?

Svjedok: Zato što je pio mokraču.

Tužilac: Da li ste vi zapravo vidjeli da zatvorenik pije urin?

Svjedok: To su mi pričali ovi što su bili natjerani da to rade, ja nisam lično vidio. Svaki naš izlazak po grupama je imao drugi doživljaj. Upotrebljavali su više načina i sredstava, na svakoj grupi nisu radili isto.

Tužilac: Možete li reći ime zarobljenika koji vam je rekao da je morao piti mnokraču?

Svjedok: Zaboravio sam mu sad prezime ali ga znam dobro.

Tužilac: A njegovo ime?

Svjedok: Zablockirao mi je mozak.

Tužilac: A da li ste čuli da su neki od zarobljenika morali da imaju oralni seks jedni sa drugima?

Svjedok: Nisam.

Tužilac: Tokom vašeg boravka tamo da li ste morali ići na neki rad?

Svjedok: Da.

Tužilac: Koja vrsta rada?

Svjedok: Prva borbena linija.

Tužilac: To je bilo izvan logora Dretelj.

Svjedok: Rad je bio u Dretelju dok smo bili u krugu Dretelja, a kad smo otišli u Ljubuški na heliodrom mostar onda smo išli na prvu borbenu liniju, kopali rovove, nosili pijesak, bili smo u plavim košuljama.

Tužilac: Da li znate da su neke od zatvorenica silovane u Dretelju?

Svjedok: Nek same odgovore.

Tužilac: Samo radi zapisnika da li vam je poznato?

Svjedok: Da.

Tužilac: A je li ne želite da kažete zbog toga da žene dovodite u sramotnu situaciju?

Svjedok: Ne želim da dovodim u sramotnu situaciju.

Tužilac: Ali sigurni ste da je bilo žena koje su bile silovane?

Svjedok: Da.

Tužilac: Kada ste pušteni iz Dretelja?

Svjedok: 48 sati bili smo blokirani u Dretelju u hangaru, sve je bilo na gotovs. Za 48 sati nismo smjeli ni disati ni sa mjesta se dignuti.

Tužilac: Mislite blokirani ili okruženi?

Svjedok: Okruženi.

Tužilac: Ko je okružio Dretelj?

Svjedok: HOS, a HOS okružio HVO, a dalje neću da pričam.

Tužilac: Želio bi vam pokazati neke fotografije sa brojevima od 1 do 27. Možete li nam reći da li poznajete neke od ovih slika? Za zapisnik, svjedok je pokazao slike 1, 3, 18, 25 i 27. Možete li nam reći šta je na slici broj 1?

Svjedok: Ulazna kapija u Dretelj.

Tužilac: Sliku 1 ćemo staviti u prilog kao Aneks B, a slika broj 3?

Svjedok: Njihove spavaonice.

10/19

Tužilac: Čije spavaonice?

Svjedok: HOS-ove njihove spavaonice.

Tužilac: Slika 3 će ići u prilog kao Aneks C, a slika 18?

Svjedok: Unutrašnji dio našeg hangara gdje smo mi bili, podsjeća me na to, ulazna vrata i sve ostalo samo što je bio limeni krov poluokrugal, a unutrašnji je dio to.

Tužilac: Slika 18 će ići u prilog kao Aneks D. A slika 25?

Svjedok: Ovo je bilo pokriven prostor gdje su ovaj dio ovdje, ovdje su bili stolovi gdje su nas često dovodili ovdje, stolovi i neke klupe i udarali.

Tužilac: A slika 27?

Svjedok: Ovo tzv. Tunel što je bio u Dretelju.

Tužilac: Da li na ovim slikama vidite spoljašnji dio hangara?

Svjedok: Ne.

Tužilac: Slika broj 27. biće prilog kao Aneks F, a aneks E će biti slika 25.

Svjedok: Ovo je ispred. Podzida ima od ovog puta je podzida, ovaj put što ide gore ima podzida i betonski plato.

Tužilac: Svjedok pokazuje sliku broj 10 koju ćemo staviti u prilog kao aneks G. Aneks H će biti dvije fotografije noge. Dok ste bili u Dretelju da li ste znali da je bio neki zatvorenik prisiljen da gleda dok njegovu ženu siluje nekoliko HOS-ovaca?

Svjedok: Ne želim diskutovati o tome.

Tužilac: A da li ste imali tu informaciju?

Svjedok: Nemojte me to pitati molim vas.

Tužilac: Ja sam završio sa pitanjima, da li vi imate nešto da dodate?

Svjedok: Da.

Tužilac: Molim vas slobodno.

Svjedok: Da bi se Dretelj razjasnio mora se ući u suštinu mučenja nas zatvorenika, dan noć dovodene su grupe od 5 do 6 ljudi poslije njihovih akcija koji su upadali u naš hangar i ono što nisu mogli ostvariti te noći onda su ostvarivali na nama, jer smo svi bili izmrcvareni, isprebijani, iznakaženi. Kraljević Blaž kad nas je postrojio u hangaru trebala je da dođe prvi put Crveni krst, a prije toga jedna belgijska delegacija, da nas pripreme kako ćemo razgovarati sa njima. Pitao nas je „kojim jezikom znate govoriti“, rekli smo da znamo francuski, Geno Samardžić studirao u Francuskoj bio turistički vodič u Mostari, znali smo španski, italijanski, znali smo ruski sve smo jezike znali. Namjerno nismo rekli da znamo engleski i njemački. Kad je izvršio smotru i pitao nas „šta nam je ovo bilo po licu, po rukama“ mi smo rekli da smo popadali, nismo smjeli reći pravu istinu jer smo znali šta nas čeka posle toga. Posle sam saznao da su nam Genu Samardžića ubili u Počitelju.

Tužilac: Ko ga je ubio?

Svjedok: Pošto HOS nije mogao vršiti razmjenu doveli su nekog doktora koji je trebao da odredi ko će da ide. Išli smo u krug na platou ispred hangara, on je odabirao taj, taj, taj, 63 su izdvojili. Kad sam ja bio došao na red bio sam crn i žut, stajao je 5 m inuta nadamnom da li da me izdvoji ili da ostanem. Odlučio se da ostanem. Ove su 63 potrпали na auta odveli ih do Počitelja i pustili ih cestom, to je bilo po noći. Naišli su na policiju HVO-a gdje su ih smjestili na Bunu, a sutri dan su ih spakovali na razmjenu koja je bila organizovana 17. i 18. avgusta u Todorovićima kod Stoca.

Tužilac: U kakvom ste fizičkom stanju bili kad ste otišli iz Dretelja?

Svjedok: Ušao sam sa 98 kilograma, a iz zatvora sam izašao komplet sa 62 kilograma.

Tužilac: Kada ste izašli iz logora da li ste otišli kod doktora da vam se pruži pomoć za vašu povredu?

Svjedok: Da.

Tužilac: I da li imate neke ljekarske nalaze?

Svjedok: To je bilo prije 15 godina, mislim da imam neke kopije.

Tužilac: I da li ti ljekarski nalazi pokazuju da su povrede koje ste zadobili zadobijene u Dretelju?

Svjedok: Svi moji nalazi se odnose na Dretelj, ako vam kažem da od 40 godina radnog staža dana bolovan ja nemam mislim da me razumijete.


Tužilac: Da li bi ste nam dali fotokopije tih ljekarskih nalaza?

Svjedok: Ako ih nađem što da ne i još bi želio da mi se nadoknadi materijalna i nematerijalna šteta od povreda koje sam zadobio.

Tužilac: Mi ćemo odštampati zapisnik i zamoliti vas da ga pročitate da vidite da li je to ono što ste izjavili i ako ima nekih grešaka recite pa ćemo ispraviti u kompjuteru, a onda ćemo vas zamoliti da potpišete svaku stranicu.

Završeno u 17,04 sati.


Zapisničar


Svjedok


Tužilac